



## Publicaziuns dalla vischnaunca, jamna 50

### Damonda da baghegiar

**2014-1051.000**

**Datum dalla publicaziun: 12 da december 2014**

Il patrun: Toni Columberg-van den Heuvel, Via Clis 23, 7180 Disentis/Mustér

Il representant: Toni Columberg-van den Heuvel, Via Clis 23, 7180 Disentis/Mustér

Object: Sanaziun dalla habitaziun el plaunterren, parcella 540, Via Clis 23, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 9 da december 2014

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

**Nr. 2014-1045.000**

Hotel Baur Disentis AG, Via Sontga Catrina 12, 7180 Disentis/Mustér; engrondaziun dalla cuschina, baghetg annex, parcella 502, Via Sontga Catrina 12, 7180 Disentis/Mustér.

Disentis/Mustér, ils 9 da december 2014

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziu suandont project:

**Nr. 2014 – 2099.000**

Gregori Maissen, Via Luzzas 8, 7180 Disentis/Mustér; colurar las fatschadas; barcuns, mirs e schalusas, remplazzar la porta dalla garascha, parcella 1315, Via Luzzas 8, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 8 da december 2014

*Uffeci da baghegiar Disentis/Mustér*



### Cussegl da vischnaunca

Il cussegl da vischnaunca seraduna **venderdis, ils 12 da december 2014** allas 19.00 en l'anteriura casa da scola a Segnas.

Tractandas:

1. Pumpiers Sursassiala: Revisiun totala dalla lescha da pumpiers (messadi nr. 18-2013/2016)
2. Center da sport e cultura: Presentaziun dils studis davart igl avegnir
3. Cumissiun parlamentara preparatoria preventiv 2015: Elecziun
4. Agenda 2015
5. Ura da damondas (conform ad art. 44 dil regulativ da fatschentas)
6. Elecziuns:
  - 6.1 dil president ni dalla presidenta dil cussegl da vischnaunca per 2015
  - 6.2 dil vicepresidente ni dalla vicepresidente dil cussegl da vischnaunca per 20153

*Il president dil cussegl da vischnaunca*

---

### Scaldaments mobils el liber

#### «Bulius da scaldar, radiaturs, radiaturs d'infratgietschen e.a.v.»

Tenor art. 11, al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto ve gnir cumpensau duas tonnas CO<sub>2</sub> e per apparats cun ina prestaziun da scaldar maximala da sur 28 kW sto ve gnir cumpensau treis tonnas CO<sub>2</sub> eav. Silmeins 20% dall'immissiun CO<sub>2</sub> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.

2. Per mintga tonna che sto vegnir cumpensada sto ve - gnir taccau ina vignetta vid igl apparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.

3. La cumpensaziun dall'immissiun da CO<sub>2</sub> succeda entras il gestiunari ni entras la vischnaunca.

4. Sch'ils gestiunaris cumpenseschan sezs l'immissiun da CO<sub>2</sub>, vegn la vignetta concedida gratuita-mein entras la vischnaunca.

La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sub>2</sub> (p. ex. myclimate). Per apparats da scaldar electrici sa l'obligaziun da cumpensar l'immissiun da CO<sub>2</sub> era vegnir ademplida, sch'ei vegn applicau – per mintga tonna CO<sub>2</sub> che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.

5. Sch'ils gestiunaris cumpenseschan buca sezs l'immissiun da CO<sub>2</sub>, ston els cumprar tier la vischnaunca ina vignetta per mintga tonna CO<sub>2</sub> che sto vegnir cumpensada. Il prezi per vignetta importa frs. 60.–.

6. Las vischnauncas impundan igl entir recav dalla vendita da vignettas per cumpensar l'immissiun da CO<sub>2</sub>. Igl uffeci d'energia e traffic metta a disposiziun in agid d'execuziun per las vischnauncas.

7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas naven digl 1. d'october 2014 tier l'administraziun communal.  
*Suprastonza communal Disentis/Mustér*



### **Clom da quens**

Il quen communal vegn serraus giu cun ils 31 da december 2014. Per saver risguardar las expensas occurridas uonn el quen 2014 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils **19 december 2014**.

Nus supplichein tuttas firmas sco era tut ils officials dalla vischnaunca d'observar quei termin.

*Administraziun communal Disentis/Mustér*

---

### **Preavis: Di naziunal svizzer da schubergiar – Clean-Up-Day 2015**

#### **Appel allas uniuns ed a persunas privatas**

Era il 2015 ha liug in di naziunal da schubergiar, «clean up day 2015», numnadamein

#### **sonda, ils 12-9-2015**

Uniuns e persunas privatas ch'ei interessadas da separticipar all'acziun «Clean-Up-Day 2015» duein far aschi bien e reservar quei termin.

Per ulteriur sclariment stattan gerau Roger Tuor ni il menader digl uffeci da baghegiar Ervin Maissen bugen a Vossa disposiziun. Era sut <http://www.igsu.ch/de/aktuelles/clean-up-day/> anfl'ins detagls en caussa.

Nus selegrein da mintga participaziun ed engraziein a tuts ed a tuttas per lur engaschi a favur da nossa biala natira e nossa patria.

*Suprastonza communal Clean-Up-Day Mustér 2015*

---

### **Administraziun communal**

Sur las fiastas da **Nadal** e **Daniev** ei l'administraziun communal serrada ils suandonts dis:

**Mesjamna, ils 24 da december 2014**  
**Gievgia, ils 25 da december 2014**  
**Venderdis, ils 26 da december 2014, Sogn Stiafen**  
**Mesjamna, ils 31 da december 2015**  
**Gievgia, igl 1. da schaner 2015**  
**Venderdis, ils 2 da schaner 2015**

Nus giavischein ina biala fiasta da Nadal ed in bien onn 2015!

*Administraziun communal Disentis/Mustér*

---

### **Scola Mustér**

#### **Midada d'uraris da scola e d'uraris da transports**

Cun la midada digl urari dil traffic public da **dumengia, ils 14 da december 2014** dat ei era tier nus ina pintga midada. Naven da **gliendisdis, ils 15 da december 2014** cala l'instrucziun suentermiezdi allas 16.15. Ils uraris da scola ed igl urari dils transports ein vinavon d'anflar sin [www.scoladisentis.ch](http://www.scoladisentis.ch).

*Kai Hinrichsen, meinascola*



### Trer candeilas per in e scadin cun stiva da caffè

**Sonda, ils 13 da december allas 16.00–22.00**  
**Dumengia, ils 14 da december allas 11.00–18.00.**

En Stalla tier Armin Manetsch e Priska Müller a Mompé-Medel.

---

### Sentupada d'advent a Segnas

Nossa sentupada d'advent ha liug, **dumengia, ils 14 da december 2014** allas 17.00 el clavau sper via all'entschatta dil vitg. A caschun dalla sentupada vegn la decoraziun el nuegl dil clavau, creada dils affons da Segnas, inaugurada. Quella ei illuminada mintga sera dallas 17.00–22.00, naven dils 14 da december entochen Buania.

Cordial beinvegni a pign e grond, dalunsch e damaneivel!  
*La grupp d'organisaziun dil vischinadi Segnas/Mompé Tujetsch*

---

### Biblioteca populara Disentis/Mustér e contuorn Caffè d'advent, gievgia, ils 18 da december 2014, dallas 15.00–17.30.

Nus lein engraziar a nos clients per la fideivladad duront igl onn ed offerin in caffè da Nadal ed enzatgei dulutsch leutier.

Gronds e pigns visitaders ein cordialmein envidai.  
*Nus selegrein sin vossa viseta*

---

### Uniun da dunnas Mustér. Engraziament

La suprastonza dall'uniun da dunnas engrazia grondamein ad in e scadin ch'ei segidaus cun nus avon, duront e suenter la fiera da Nadal. Tgei fuss ina fiera da Nadal senza ils expositurs? Era a vus tuts engraziein nus fetg per vossas bialas e bunas purschidas. Mo era a vus visitaders che haveis dau suatientscha a nies invit ed aschia gidau ad embellir nossa fiera engraziein nus da cor.

Nus savein surdar la biala summa da frs. 750.– agl «aunghel da Nadal» che vegn organisau dall'uniun cantunala da dunnas (KFG) e frs. 750.– alla casa d'affons Urpi Wasi a Peru che era la scolletta da Mustér ha sustegniu.

Nus giavischein a vus bialas fiastas da Nadal ed in ventireivel niev onn.  
*Cordials salids la suprastonza dall'uniun da dunnas Fabiana, Ursina, Sigrid e Christina*

---

### Center da sport e cultura – Patinera

temps d'avertura mira sut  
[www.centerdasport.com/Outdoor/Eisbahn](http://www.centerdasport.com/Outdoor/Eisbahn)

---

### Concert da Nadal communabel

**Societad da musica Mustér, Chor baselgia s. Gions e scolars dil scalem superiur Sonda, ils 20 da december 2014** allas 20.00, baselgia s. Gions, Mustér. Suenter concert stiva da caffè. Collecta.